

Patent Ochsner - Für immer uf di



Video & Audios

Verse 1
Uf Mueters Seu wo hüt
Furt isch vo der Ärde
Uf au die schöne Ching
Wo hüt z'Nacht gebore wärde
Uf au die Zyt wo isch vergange
Uf au die Zyt wo mir no blibt

Verse 2
Uf die grüne Triebe
Uf die süesse Frücht i de Böim
Uf au grosse Plän u
Uf au grosse Tröim
Uf au die wo fiire u no singe
Uf au die wo sueche
U wo vilech sogar finge

Chorus
Es Glas uf d'Liebi und eis uf z'voue Läbe u
Eis uf au das wo mir nid chöi häbe
Es Tor geit uuf u nes anders geit zue
Blibschi i mim Härz sogar no denn wes afaht weh tue

Bridge
Uf au die wo chöi vergässe
Uf au die wo chöi vergäh
Uf au die wones grosses Härz hei
U wosech das nid löh la näh
Ufne gränzelose Himu
Ufnes uferloses Meer
U für immer uf di

Chorus
Es Glas uf d'Liebi und eis uf z'voue Läbe u
Eis uf au das wo mir nid chöi häbe
Es Tor geit uuf unes anders geit zue
Blibschi i mim Härz sogar no denn wes afaht weh tue
Es Tor geit uuf unes anders geit zue
Blibschi i mim Härz sogar no denn wes afaht weh tue

Schluss
Uf Mueters Seu wo hüt
Furt isch vo der Ärde
Uf au die schöne Ching
Wo hüt z'Nacht gebore wärde
Uf au die Zyt wo isch vergange
Uf au die Zyt wo mir no blibt